

Segunda carta de San Pedro

Cristore tuorũnurãre Pedro papera ĩ cõare gaye

¹ Ñati mua. Yu ña Simón Pedro, adi papera muare cõagũ. Jesucristore moa ĩsigũ ña yu. ĩ oca yu goti ucutoni yare cũquĩ ĩ. ĩti ñami mani Uju, ito yicõri manire masoru. Queno yigu ñari ĩ yiro bajiroti mani tuorũnuroca yĩni Jesucristo. ĩre tuorũnucõri sīgũre bajiroti usi cuti wanua mani. Ito bajiri adi papera muare cõa yu. ² Diore, ito yicõri mani Uju Jesucristore cuni buto busa mani tuoĳaja, mani ya usi queno wanu quenaroja manire. Ito yicõri queno manire ejabuã remogũ yiguĩji Dios. Ito bajiro mua ñatoni muare yĩari Diore seni ĩsisotia yu.

Cristore tuorũnurã ñari ado bajiro ñaja quena, yire gaye

³ Manire beseñi Cristo ĩre bajiro Dios ñarã mani ñatoni. Ito yicõri ĩ queno yi ñaro bajiro mani cuni yi ñatoni manire beseñi Cristo. Dios ñacõri, rētoro masigũ ñami Jesucristo. Ito bajiri ĩre mani tuorũnũja ĩ masi rētocũrisena manire ejabuagu yiguĩji. Ito yicõri ĩ amoro bajiro mani cudi jeo masitoni, manire ejabuagu yiguĩji ĩ. ⁴ Rētoro masigũ ñari ado bajiro manire goticãni Cristo: “Diore masibiticõri ñeñaro yi uyarã ñarãji adi macãrucũro gãna. ĩna ya ruju ñeñaro iti tuoĳajare ñeñaro yirã yirãji ĩna. ĩnare bajiro mua yibe yirocu muareama ejabuagu yigũja yu. Ito yicõri yu tuoĳarore bajiro mua tuoĳaroca yigu yigũja yu”, yicãni Cristo manire. ⁵ Ito bajiri Jesucristore riti tuorũnurã ñari queno yi ñasotirũja manire ĳa. Ito yicõri Dios ocare cuni riasotirũja manire. ⁶ Ito

yicōri mani ya rujunati mani ñeñaro yi ãmorisere ñemecutiruja manire. Ito bajiro tuoĩacōri buto busa Cristore tuorũnũruja manire. Ñre tuorũnũcōri, Dios ĩ ãmoro bajiro riti mani yi ñaja quena. ⁷ Dios ãmoro bajiro yicōri, mani ñarãre cuni ti maija quena. Ito yicōri ñnare ejabuaruja manire.

⁸ Ito bajiro mani yija quenaroja manire. Ito bajiro yicōri Jesucristo ĩ ãmoro bajiro riti yisotirã yirãji mani. Ito yicōri ñre moa ĩsirã yirãji. Ito bajiro mani yibeja, ñre masirã ñabobarãti, ñre ejabuamena bajiro ñarã yirãji mani. Ito bajiri mani ñabobarise waja mano bajiroti ñarãji mani. ⁹ Ito bajiro queno yi masibicũama, “Ado bajiro yũ yire ãmoami Dios”, yi tuoĩa usiriogu meje ñami ĩocũ. “Yũ ñeñaro yirisere coeñi Dios”, yigu ñabojaguti tudi mucana ãcabojagu ñami ĩocũ. ¹⁰ Ito bajiro yi ãmobitiruja yũ ñarã manire. Ito bajiri ĩ ãmoro bajiro riti yi ñaruja manire. Ito bajiro ñacōri, “Yũre beseñi Dios. ĩ yagu ña yũ”, yi tuoĩarã yirãji mani ĩja. Ito bajiro yi tuoĩacōri ñeñaro yi uyabitiruja manire. Diore riti mani cudija ñre tuorũnũ jidicãmenaji mani ĩja. ¹¹ Ito bajiri Jesucristo mani Uju ĩ rotitĩnaroju ejarã yirãji mani. ĩ manire masogoruti ñari, ĩ taju mani ejaroca yigu yiguĩji ĩja.

¹² Adi oca masicãrã ñari itire queno cudia mua. Ito bajiro mua masicãrã ñabobarocati muare gotitĩnagũ yiguja yũ. Ito bajiri mua ãcabojabe yirocũ, biyaro muare gotisotigu yiguja yũ. ¹³⁻¹⁴ “Yoari meje godagu yiguja yũ”, yũ yi masiroca yiñi mani Uju Jesucristo yure. Ito bajiri itire masicōri, yũ catirocõ muare goti ñagũ yiguja yũ maji. Ito bajiri yũ gotirisere queno mua tuoĩare ãmoa yũ. ¹⁵ Adi paperana ruje iti oca muare gotisoticuja yũ. Ito bajiri yũ godaja bero josari mejeti itire tuoĩa bujarã yirãji mua.

Jesucristo yogu ĩ godo wedija ticu yũ, Pedro ĩ yire gaye

¹⁶ Mani Ɔju Jesucristo ija ĩ masiro robo ĩ tũdi ejaroti gayere muare goticu yu. Yumasi tuoĩa rujeocõri meje itire muare goticu yu. Ado bajirojua baja ite gaye. Yumasiti ĩre ticõri, “Rẽtoro masigũ ñami”, yi tuoĩacõri muare goticu yu. ¹⁷⁻¹⁸ Dios oca ite ruyuroca Jesús rãca gũta yucũrijũ ñacu yu. Ito bajiri rẽtoro yi masigũ ĩ oca ũmacũju ite ruyuja tuocu yu cuni: “Ãniti ñami yu Macu, yu maigũ. ĩre buto wanua yu”, yi ruyucu Dios oca, yu tuoja. Ite ruyuroca Jesucristo buto yogu ĩ godo wedija ticu yu. Jeyaro ite rõtaja ticõri, “Cristore buto rũcubũoami mani Jacu Dios. Ito yicõri ĩ masirise jidicãni Dios ĩre”, yi tuoĩa yu.

¹⁹ Ite rõtaja tigorũ ñari, “Diore goti ĩsiri masa ñaro bajiroti queno yi ucayoñi ĩna”, yi tuoĩa yu ĩja. Ito bajiri ĩna ucayorere mani tuorũnũja quena. ĩna ucayore mani queno riasotija, “Ado bajiro yu yire ãmoami Dios”, yi tuo masirã yirãji mani. Ado bajirojua baja. Rãitãaroju sãaticõri mani waja, wa masirãji mani. Ito bajiri guijoroju wamenaji mani. Itire bajiroti Dios oca mani riasotija, ĩre cũdirã yirãji mani. Ito yicõri guijoro ruore oca gotirãre tuorũnũmenaji mani. Ito bajiri Jesucristo ĩ tũdi ejaroto riojua, Dios ocare riasotirã riti ña yurũja manire. Ito bajiri Jesús eja wacuti mani tuo masibitire mani tuo masi jediroca yigu yiguji. ²⁰⁻²¹ Queno tuoja mua. Buto busa ñasarise muare gotigu ya yu. Dios ocare rujeobiticã masa. ĩnamasi tuoĩa rujeocõri meje ucayijarã Dios oca goti ĩsiri masa. Ado bajirojua baja. Jane mejeju Diore goti ĩsiri masare quedĩ sãjacõri, Dios oca ĩna uca masiroca yiyijũ Espiritu Santo.

2

*Ado bajiro riasorã yirãji ruori masa, yire gaye
(Jud 4-13)*

¹ Ito bajibojarocati gâjerãma ruore oca gotiyijarã ñna. “Diore goti ñsiri masa ña gña”, yi ruoyijarã ñna. Adi rumari cuni mua wato ñarãji ñnare bajiro ruo jairã. “Dios oca riojo gotirã ña gña ñja”, yi riaso ruorã yirãji ñna. Ito bajiro riaso ruocõri Jesucristo ocare masa ñna jidicãroca yirã yirãji ñna. Iti gaye riti meje ruorã yirãji ñna. “Manire goda ñsirũ meje ñami Jesucristo”, yi ruorã yirãji. Ito yicõri, “Mani Uju meje ñami ñ”, yirã yirãji ñna. Riojo meje riasorã yirãji ñna. Ito bajiro ñna yija tuocõri, yoari mejeti ruyuriogu yiguñji Dios ñnare. ² “Mani ya rujunati mani yi ãmorise mani yija quena”, yi ruorã yirãji ñna. Ñna ruorisere tuorũnucõri jãjarã masa ñnare bajiro ñeñaro yirã yirãji. Ito bajiro ñeñaro yicõri Cristo oca ñnasarisere aja tudirã yirãji masa. Ito bajiri Cristo ocare ñna aja tudija, ruore oca riasotirãre seti ñaro yiroja. ³ Ito yicõri mua ya gajeoni buja ãmorã, muare ruorã yirãji ñna. Ito bajiro ñna ñeñaro yiroto riojua masicãyiju Dios. Iti masicõri, “Ñna ñeñaro yirise waja, waja senicuja yu”, yi tuoñayiju Dios. Ito bajiri co rumu ñnare waja senirocu ãcabojabiquñji Dios.

⁴ ¿Dios ñaro gãna ángel mesa oca masiati mua? Jane mejeju jãjarã ángel mesa ñeñaro yi ãmorã queno Diore cudibisijarã ñna. Ito bajija ticõri, “No yibea yure”, yibisiju Dios. Buto ráitïaroju ñnare cõayiju ñ. Ito yicõri ñna ñeñaro yirise waja, waja ñ seniroti rumu riojua ito riti ñnare cüyiju ñ. Ito bajiroti ruore oca riasotirãre cuni buto waja senigũ yiguñji Dios. ⁵ ¿Jane mejeju Noé ñayoru ñ ñaroca ñagoanare masiati mua? Ñna ñeñaro yirise ticõri ñnare ruyurioyiju Dios. Ide jairo idé queoyiju, ñna ruja godajaro yirocu. “Mua ñeñaro yirisere jidicãruja muare”, yibojayiju Noé ñayoru masare. Ito ñ yibojarocati jidicãbisijarã ñna. Ito bajiri Noé, ito yicõri ñ ñarã jua ãmojeno ñnarãre riti masoyiju Dios. ⁶ ¿Sodoma gãna ñabojana, Gomorra gãna ñabojana oca cuni masiati mua? Buto ñna ñeñaro yija ticõri, ñnare

ruyuriorocũ jea queoyijũ Dios ãna ya cutorire. Ito bajiro yiyijũ Dios, “Ïre cudimenati mani ñeñaro yija manire cuni ruyuriogũ yiguĩji Dios”, yi mani tuoĩa masitoni.

⁷⁻⁸ ¿Queno yigorũ Lot wame cutigũ oca masiati mua? Sodoma gãna, Gomorra gãnare cuni ruyurio jebojaguti ito gagũ Lot sigũreti ruyuriobisijũ Dios. Diore rucubuoogu ñayijũ Lot. Co rumũ ruyabeto ï tu gãna ñeñaro ãna yija, tisotibojayijũ Lot. Ito yicõri ãna ñeñaro busirisere cuni tuosotibojayijũ ï. Rẽore gaye ñabojarocati ñeñaro yi ajejijarã ãna ãmua comasiti. Ito bajiro ãna yija ticõri, ï ya usijuama bojori bujayijũ Lot ñayoru. Ito bajiri ãreama ruyuriobisijũ Dios. ⁹Iti ocare tuocõri, “Mani ñeñaro yitoni rũmũ ï usirioro yi codeja, manire ejabuagu yiguĩji Dios. Ito yicõri mani ñeñaro yibe yirocũ, manire ejabuagu yiguĩji ï. Ito bajiri ñeñaro yirãreama acabojabiticõri, ija ï waja seniri rumũ ãnare waja senigũ yiguĩji Dios”, yi tuoĩa mani.

¹⁰ ãna ya ruju iti ñeñaro tuoĩaro bajiro yirãre, ito yicõri, “Ujarãre cudibicuja yũ”, yirãre cuni buto busa waja senigũ yiguĩji Dios. ãna ñama ñeñaro basicõri bojo masimena. “Gua ãmoro bajiro busirã yirãji gua”, yama ãnaõna. Ito yicõri ángel mesare rucububobiticõri, ãna rotirisere aja tudirã yirãji ãnaõna. ¹¹ ãnare bajiro yibeama Dios ñaro gãna ángel mesa. Ruore oca riasorã rẽtoro masirã ñama ángel mesa. Rẽtoro masirã ñabojarãti, “ãna ruore oca riasori masa ñeñaro yirã ñama ãna. Ito yicõri ãnare seti ña”, Diore yi gotibeama ãna. Ñeñaro busitu ãmomena ñama ángel mesa.

¹² Ito mua wato ruore oca riasori masa, waibucurã bajiro queno tuoĩamena ñarãji ãna. “Ija ado bajiro rẽtaro yiroja yure”, yi tuoĩa masibitibojarãti, ãna ãmoro bajiro riti yama ãna. Ito yicõri Dios oca ãna tuo masibitire, aja tudiana ãna. Waibucurãre mani sãro bajiroti riaso ruorãre ãna ñeñaro yija ticõri, ãnare ruyuriogũ yiguĩji Dios. ¹³ Ito

bajiro yiguti ñnare waja senigũ yiguĩji Dios, masa ñeñaro tũbujaroca ñna yire waja. Bojomenati, ãmũati ñeñaro yama ñnaõna. Ito bajiro yicõri itire buto wanũama ñna. Mũa rãca minijuacõri “Queno yirã ñna gũa”, yi rũoama ñna. Ito bajiro yibojarãti, buto ñeñaro tũoĩarã ñnama ñnaõna. Mũa queno tũo masibeja ñnare bajiroti ñeñaro yirã yirãji mũa cũni.

¹⁴ Gãji manojore ticõri, “Iso rãca yi aje ãmoa yũ”, yi tũoĩama ñna. Ñeñarise riti tũoĩa uyama ñna, rũore oca riasori masa. “Mani ya rujunati mani yi ãmorise mani yija quena. Itire ti tebiquĩji Dios”, yi rũoama ñna, Diore queno masimenare goti rũorã. Gãjerã ya gajeonire ti uocõri itire bũja ãmorã tũoĩarãji ñnaõna. Ito bajiri rũore oca goticõri josari mejeti gãji ya gajeoni bũjama ñnaõna. Ito bajiro ñna yi ñaja ticõri, ñnare ruyuriogũ yiguĩji Dios. ¹⁵ Dios oca quenarise tũogoana ñabojarãti iti oca jidicãna ñnama ñnaõna. Ito bajiro gaje tũoĩacõri ñeñaro tũoĩama ñna. Beor macũ, Balaam wame cutigũ ñayorũre bajiro ñeñaro yama ñna cũni. Diore goti ñsiri masũ ñabojaguti niyeru buto maigũ ñari, “Rũore oca yũ gotija queno bũjagũ yigũja yũ”, yi tũoĩabojayijũ Balaam. ¹⁶ Ito bajiro tũoĩaboja, burro joe ñ jesa waroca, ado bajiro yiyijũ Dios. Masũre bajiro burro ñ bũsiroca yiyijũ Dios. Ito bajiro ñ yirocati bũsisũoyijũ burro: “Buto ñeñaro yi tũoĩa mũ. Ito bajiro ñeñaro mũ tũoĩarise, tũoĩabesa mũ”, yi tudiyijũ burro ñre. Ito bajiro ñ yija tũo uacõri, ñ ñeñaro tũoĩarise jidicãyijũ Balaam ñayorũ.

¹⁷ Queno tũoya mũa. Mũare goti masiore ocana gotigũ ya yũ. Ide ãmorã jaibitiya warã yirãji mani. Ito ejacõri cara quearaya mani tija, bojori bũjarã yirãji mani, ide idi ãmobojarã. Cũma ñaroca cũni, ide bueri ti ãmarã yirãji mani ide ãmorã. Ito bajiro mani ti ãma rũgõroca ide buerire mino iti wẽa rẽtocõja bojori bũjarã yirãji mani ide

ãmobojarã. Iti mani ãmaro bajiroti, Dios oca t̃uo ãmorã ĩ oca gotirã t̃uj̃u warã yirãji mani. ĩna t̃uj̃u ejacõri r̃uore ocati ĩna goti ñaja bojori bujarã yirãji mani, Dios oca quenarisere t̃uo ãmobojarã. Ito bajiro r̃uore oca riasorãre ĩja ĩnare ĩ cõaroto buto rãitĩaro quenocãiyij̃u Dios. ¹⁸ Ñeñaro yirã ñacõri masa jeyarore wanure rãca r̃uo gotiama ĩna. “Mani ya ruj̃unati mani yi ãmorise mani yija, quena ña. No yibea”, yi usirio codeama gãjerãre. Bujato yama ĩna. Ito bajiro ĩna riasoja t̃uocõri, “Riti yama ĩna”, yi t̃uoĩarã yirãji canu busati Jesure masis̃uoana. Ito bajiri t̃udi ñeñaro yi uyarã yirãji m̃ucana, ñeñarisere jidicãbojana. ¹⁹ Ado bajiro gotiama r̃uore oca riasori masa: “Jeyaro mani ya ruj̃unati mani yi ãmorise mani yija, quena ña. No yibea. ĩja co rum̃u mani jidicã ãmoja, jidicãrã yirãji mani”, yi r̃uoama ĩna. Ito bajiro yibojarãti ĩna ñeñaro yirisere jidicã masibeama ĩna. Ado bajirojua baja. No ñeñarise riti t̃uoĩa uyar̃u ĩ ñeñaro yirisere jidicã ãmobiquĩji ĩ. ²⁰ No Jesucristo mani Uj̃ure t̃uor̃unurã adi sita ñeñarisere jidicãrã yirãji ĩna. Ito yibojarãti m̃ucana t̃udi ñeñaro ĩna t̃uoĩa uyaja, buto busa ñeñaro yirã yirãji ĩna. Ito bajiri Jesucristore ĩna t̃uor̃unuroto riojua ĩna ñeñaro yiado r̃eto busaro ñeñaro yirã yirãji ĩna ĩja. ²¹ Cristo oca masibojarãti, Dios rotirisere jidicãcõri t̃udi ñeñaro yirã yirãji ĩna. ĩna ito bajiro yija ticõri, buto busa waja senigũ yiguĩji Dios ĩnare. Ito bajiri Cristo ocare masibiticõruj̃abojañi ĩna. ²² Jane mejeju gaye oca gotire bajiro baja adi. Tite m̃ua: “M̃uñocõri ĩmasiti t̃udi bagu yiguĩji ecaru yai. Ecana yeseare mani guja bero ĩnamasiti ueri wõrã yirãji ĩna”, yi gotia jane mejeju gaye oca. Ito bajiroti yama Dios rotirisere jidicãcõri m̃ucana t̃udi ñeñaro yirã.

3

Ado bajiro, bajiro yiroja mani Uj̃u ĩ t̃udi ejaroto riojua,

yire gaye

¹ Yũ ñarã iti rãmũ muare papera cõacu yũ. Ito bajiro yũ cõarisenati Dios oca goticũ yũ. Quenarise riti tuoïajaro ñna yirocũ, ito bajiro muare papera cõacu yũ. Adi paperana cuni ito bajiroti uca yũ mũcana, quenarise riti mua tuoïa suyajaro yirocũ. ² Diore goti ñsiri masa ñna goti yurisere ãcabojabesa mua. Ito yicõri mani Ƴjũ oca gũa goti ucutoni ñ cũana goti ucurisere cuni ãcabojabesa mua. Manire masorũ ñ rotirise goticũ gũa muare.

³ Ñasarise muare gotigũ ya yũ. Ito bajiri itire queno tuoïaña mua. Adi macãrucũro jediroto riojua Dios ocare aja tudiri masa jãjarã ñarã yirãji. Ito yicõri ñna ya rujunati ñna ñeñaro yi ãmorise yirã yirãji ñna. ⁴ Ado bajiro aja tudirã yirãji ñna: “¿Nojũ ñati, ‘Mũcana tudi ejağũ yiguja yũ’, yibojarũ? Ito bajiro yirũ ñabojaguti tudi ejabicũ yiguñji Cristo. Tite mua. Mani ñicusabatia ñna ñado bajiroti bajia adi rãmuri cuni. Iti rãmujũ ñado bajiroti bajia adi rãmuri cuni. Mũcana tudi ejabicũ yiguñji Cristo”, yi aja tudirã yirãji ñna. ⁵ Ito yibojarãti adi macãrucũro Dios ñ rujeorere tudi tuoïa uya ãmobeama ñna. “Ñ ya ocanati adi macãrucũro gayere rujeoyijũ Dios. Ito yicõri idere ñ bata rotirocati sita ruyucoayijũ ñja”, yi tuoïa ãmobeama ñna. ⁶ Ado bajirojua bajia. Adi macãrucũro Ƴjũ ñami Dios. Ito bajiri ñ rujeoja bero yoari ñeñaro masa ñna yija ticõri, ide quedi rotiyijũ Dios. Ito bajiro yicõri adi macãrucũro ñarãre ito yicõri adi macãrucũro gaye jeyarore ruyuri-oyijũ Dios. ⁷ Adi sita, ito yicõri macãrucũro cuni Dios ñ masirisena riti ña. Ito bajibojarocati itire ruyuriogũ yiguñji Dios. Ñ ya ocana riti adi macãrucũrore ruyuriorocũ soe jeogũ yiguñji Dios. Masare ñ waja seniri rãmũ ito bajiro soe jeogũ yiguñji Dios. Ito yicõri ñeñaro yirãre waja senicõri ñnare ruyuriogũ yiguñji Dios.

⁸ Yũ ñarã adire ãcabojabesa mua. Ƴsirioro yigũ meje

ñami mani ʘju. Ǽ tija yoabea mil rodori ñarise. Co r̄m̄uac̄ati bajiro baja Ǽ tija. ⁹ Mani tijama yoari sejami Dios. “Ǽ yiro bajiro ejori yibeami Ǽ”, yi t̄oĩa mani. Ito bajiro mani t̄oĩabobarocati, ado bajirojuu baja. Ñeñaro yirãre ejori ruyurio ãmobeami Dios. Masa jeyarore ti maicõri s̄gũ jeameju ware ãmobeami Dios. Ito bajiri, “No yare tuor̄un̄gũreti jeame ãjuroju cõabicu yiguja yu”, yi t̄oĩacõri ñnare yugu yiguĩji Dios maji.

¹⁰ Ito bajiro yubojaguti co r̄mu t̄udi ejagu yiguĩji Jesús. “Jane t̄udi ejagu yiguĩji Ǽ”, mani yi t̄oĩabiti r̄mu t̄udi ejagu yiguĩji Jesús. Ǽ t̄udi ejari r̄mu ãmacũju guijoro oca ruyuro yiroja. Ito yicõri mac̄ruc̄uroju yobojana jedirã yirãji. Ito yicõri adi sita jeyaro ñabobarise ua jedicoaro yiroja. Masa ñna menigobojare c̄ni jeyaro ua jedicoaro yiroja. Ñejuu r̄yabeto yiroja ñja.

¹¹ “Ito bajiro adi sitare ruyuriogu yiguĩji Dios”, yi t̄oĩacõri, ado bajirojuu yiruja manire. Quenarise riti yiruja manire. Ito yicõri Diore r̄c̄ub̄orã Ǽ yiro bajiro riti c̄diruja manire. ¹² “Co r̄mu mani ʘju t̄udi ejagu yiguĩji”, yi t̄oĩa ñaruja manire. Ito bajiro t̄oĩacõri, “Coji Ǽ ejare ãmoa yu”, yi t̄oĩaruja manire. Ito bajiro t̄oĩacõri quenarise riti yi ñaruja manire. “Ǽ ejari r̄mu mac̄ruc̄uro, adi sita ñarise jeyarore ruyuriogu yiguĩji Dios”, yi t̄oĩa mani. ¹³ Iti tuo masibobarãti ḡui usiriomenaji mani. “Dios Ǽ ãmoro bajiro yigu yiguĩji”, yi t̄oĩa mani. “Adi mac̄ruc̄urore ruyuriocõri jacaju c̄ni ãmacũju c̄ni mame rujeo wasoagu yiguĩji Dios. Ito yicõri itoju queno yirã riti catit̄ñarã yirãji”, yi t̄oĩa mani. Ito bajiri Dios Ǽ busigore masicõri ḡui usiriomenati ñre yurã yirãji mani.

¹⁴ Ǽ t̄udi ejari r̄mu bocati ñarã ñacõri, mani ñeñaro yirisere jidicã jeoruja yu ñarã manire. Ito yicõri, “Ǽ ãmoro bajiro riti yicuja yu”, yi t̄oĩa ñaruja manire. Ito bajiro yi ñarãti Dios rãca s̄gũre bajiroti usi c̄ti ñaruja mani.

Manire ĩ ti wanɔtoni ñe seti mana mani ñaja quena. ¹⁵ Coji ĩ ejabeja ticōri, ado bajiro yi tɔoĭarɔja manire. “Masa jājarā busa maso āmogũ adi macārɔcũrore ruyuriorocũ ɔsiriobeami Dios”, yi tɔoĭarɔja manire. Adi yũ ucare bajiro mɔare ucañi Pablo mani maigũ cuni. Dios ĩ masirisena ito bajiroti yi ucañi Pablo mɔare. ¹⁶ Coji ruyabeto mɔare ucagũ iti oca gotiñi Pablo. Ito bajibojarocati josari ña ĩ riasogore oca. Ito bajiri ĩ ucagore tɔo masi āmomenama ricati riasorā yirāji. “Ado bajiro yi āmoñi Pablo”, yi rɔorā yirāji ĩna. Ito bajiroti Dios oca tuti ticōri wisare oca riasorā yirāji ĩna. Ito bajiro ĩna yija ticōri, ĩnare waja senirocũ ĩnare ruyuriogũ yiguĭji Dios.

¹⁷ Queno tɔoya yũ ñarā mɔa. “Dios oca riasori masa ña gɔa”, yibojarāti rɔore oca gotirā yirāji coriarā. Itire tɔo masicā mɔa. Iti masicōri queno tɔoĭa yucāña mɔa. Diore cɔdimena ĩna rɔorise ocare tɔorũnɔbesa mɔa. Ito yicōri Jesure tɔorũnɔrā ñari ĩre jidicābesa mɔa. ¹⁸ Ado bajirojɔa mani yija quena. Bɔto busa mani Ɔju Jesucristore tɔorũnɔrɔja manire. Ito yicōri ĩre mani cɔdi masitoni, ĩ ocare riasotirɔja manire. ĩti ñami manire masorɔ. Ito bajiri ĩre rũcɔbɔorona ado bajiro ĩre busitĩnarɔja manire: “Rētoro masigũ ña mɔ. Ñimɔ gāji mɔre bajiro masigũ mami”, yitĩnarɔja manire. Itocō ña.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06
